



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-593-3/24**
Datum: **06.01.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica „MUJANIĆ ADI“ d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada klaonice krupne i sitne stoke i pogona za preradu mesa i mesnih prerađevina sa pratećim sadržajima u ulici Vlakovo br. 346, Ilidža, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „MUJANIĆ ADI“ d.o.o. Sarajevo, daje se vodna dozvola za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada klaonice krupne i sitne stoke i pogona za preradu mesa i mesnih prerađevina sa pratećim sadržajima u ulici Vlakovo br. 346, Ilidža, na zemljištu označenom kao k.č. broj: 839/2, 839/18, 842/3 i 842/8 K.O. Vlakovo (kat. Stanje) 1231/1 i 1232/16 K.O. Rakovica (z.k. stanje) što odgovara novom premjeru 1517 K.O. Rakovica.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije, izvršenim uviđajem na objektu, pod slijedećim uslovima:
 - 3.1. Da pravno lice „MUJANIĆ ADI“ d.o.o. Sarajevo, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu klanja i prerade mesa, pranjem opreme, uređaja i alata, te pranjem podova i radnih površina kao i iz objekata izgrađenih u krugu predmetnog proizvodnog kompleksa, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se vrši redovno čišćenje uređaja za tretman tehnoloških otpadnih voda (separator/hvatač masti) i oborinskih otpadnih voda (separatora masti u ulja) i pratećih elemenata od strane ovlaštene firme, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog proizvodnog kompleksa može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja, neophodno je voditi službenu evidenciju.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa Prilogom 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta tehnoloških otpadnih voda i oborinskih otpadnih voda, uzimanjem uzorka efluenta iz okna za monitoring iza uređaja za tretman istih a prije ispuštanja u recipijent, u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Rezultate analiza dostaviti ovoj Agenciji.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.6. Ukoliko Vlada propiše dodatne (strožije) uvjete od uvjeta definisanih u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.7. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
- 3.8. Da se privremeno i konačno zbrinjavanje otpada i nusprodukata koji nastaju u postupku rada klaonice, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
- 3.9. Otpad koji nastaje u postupku rada klaonice i pogona za preradu mesa sa pratećim sadržajima, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.10. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.11. Da se redovno vrši potpuno odvajanje krvi prilikom iskrvavljenja, sistemom odvojenog prikupljanja u posebne posude od inoxa i vrši zbrinjavanje prema uputama i u saradnji sa veterinarskom inspekcijom.
- 3.12. Da se kod pranja koriste sredstva koja su prikladna okolinskim zahtjevima.
- 3.13. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.14. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.15. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.16. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH”, broj 92/07, 46/09, 79/11, 88/12 i 03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
5. U periodu važenja ove dozvole, korisnik predmetnog objekta „MUJANIĆ ADI” d.o.o. Sarajevo, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „MUJANIĆ ADI“ d.o.o. Sarajevo, zahtjevom broj: 72/24 od 21.11.2024 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada klaonice krupne i sitne stoke i pogona za preradu mesa i mesnih prerađevina sa pratećim sadržajima u ulici Vlakovo br. 346, Ilidža, na zemljištu označenom kao k.č. broj: 839/2, 839/18, 842/3 i 842/8 K.O. Vlakovo (kat. Stanje) 1231/1 i 1232/16 K.O. Rakovica (z.k stanje) što odgovara novom premjeru 1517 K.O. Rakovica.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka upisa u sudski registar broj: 065-0-Reg-23-005217 od 18.12.2023. godine, izdatog od strane Općinskog suda u Sarajevu- kopija,
- Obavještenje o razvrstavanju pravnog lica prema kvalifikaciji djelatnosti broj: 07-32.5-15262/16 od 07.06.2016 godine izdato od Službe za statistiku za područje Kantona Sarajevo,
- Rješenje o odobrenju za prenamjenu poslovnog objekta u proizvodno-poslovni broj: 03-23-2163/17 M.I. od 22.05.2017. godine izdatog od strane Službe za prostorno uređenje, Općina Ilidža,
- Rješenje o odobrenju za građenje broj: 03-19-601/20 od 20.02.2020 godine izdato od strane Službe za prostorno uređenje, Općina Ilidža,
- Rješenje o upotrebi broj: 03-19-6622/20 od 14.04.2021 godine izdato od strane Službe za prostorno uređenje, Općina Ilidža,
- Kopija katastarskog plana UR BROJ: 04-26-86/2024-2 od 10.01.2024 godine izdata od strane Službe za imovinsko-pravne, geodetske poslove, katastar nekretnina i upravljanje imovinom, Općina Ilidža,
- Rješenje o vodnoj dozvoli broj: UP-I/25-3-40-491-6/19 od 15.11.2019. godine izdato od strane Agencije za vodno područje rijeke Save, Sarajevo,
- Rješenje o vodnoj dozvoli broj: UP-I/25-3-40-438-3/19 od 03.11.2020. godine izdato od strane Agencije za vodno područje rijeke Save, Sarajevo,
- Kopija uplatnice administrativne takse,
- Stručno mišljenje broj: 05-19-3887/21 DŽD od 30.03.2022 godine izdato od strane Ministarstva komunalne privrede, infrastrukture, prostornog uređenja, građenja i zaštite okoliša, Uprava za geodetske i imovinsko pravne poslove Kantona Sarajevo-kopija,
- Ugovor o vršenju usluga odvoza i neškodljivog uklanjanja otpada životinjskog porijekla od 11.01.2024 godine, zaključen sa „KJKP „RAD“ d.o.o. Sarajevo,
- Faktura broj 6278/24 od 16.11.2024 godine o preuzimanju kože od strane NIK-PROM d.o.o. Bileća,
- Izvještaj o monitoringu kvaliteta i kvantiteta otpadnih voda „MUJANIĆ ADI“ d.o.o. Sarajevo, broj: 2039/24, oktobar 2024 godine, urađen od strane „Inspekt-RGH“ d.o.o. Sarajevo.

B. Tehnička dokumentacija

- Izvedbeni projekat-snabdijevanje vodom i dispozicija otpadnih voda poslovno-proizvodnog objekta investitora „MUJANIĆ ADI“ d.o.o. Sarajevo ul. Vlakovo br. 346 Ilidža, urađen od strane „ENCOS“ d.o.o. Sarajevo, juni 2019. godine,
- Investiciona tehnička dokumentacija za izdavanje vodne saglasnosti za proizvodni objekat klaonice pravnog lica „MUJANIĆ ADI“ d.o.o. Sarajevo urađen od strane „ENCOS“ d.o.o. Sarajevo, februar 2020 godine (uvid prilikom uviđaja),
- Glavni projekat proizvodnog objekta klaonice sa pratećim sadržajima pravnog lica „MUJANIĆ ADI“ d.o.o. Sarajevo urađen od strane „HP HIDRO PROJEKT“ d.o.o. Sarajevo, januar 2020 godine,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-593-2/24 od 11.12.2024. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Na predmetnoj lokaciji je izgrađen poslovni objekat klaonice za koji je izdato Rješenje o vodnoj dozvoli broj: UP-I/25-3-40-438-3/20 od 03.11.2020. godine i pogon za preradu mesa i mesnih prerađevina za koji je izdata Rješenje o vodnoj dozvoli broj UP-I/25-3-40-491-6/19 od 15.11.2019. godine izdat od strane ove Agencije. Rok važenja navedenih rješenja je istekao te su sve aktivnosti na predmetnoj lokaciji i uslovi za iste obuhvaćene ovim rješenjem o vodnoj dozvoli.

Lokacija objekata klaonice i prerade mesa sa pratećim sadržajima nalazi se u ulici Vlakovo br. 346, Ilidža na zemljištu označenom kao k.č. broj: 839/2, 839/18, 842/3 i 842/8 K.O. Vlakovo (kat. Stanje) 1231/1 i 1232/16 K.O. Rakovica (z.k stanje) što odgovara novom premjeru 1517 K.O. Rakovica.

Uz parcelu predmetne lokacije objekta protiče potok Trnava koji se ulijeva u vodotok Rakovica a zajedno prihranjuju rijeku Zujevinu.

Podnosilac zahtjeva vrši redovno održavanje i korištenje vodoprivrednih objekata i sistema čija je svrha prikupljanje, tretman i odvodnja tehnoloških otpadnih voda (čišćenje mastolova i separatora), vrši se redovan monitoring kvaliteta i kvantiteta otpadnih voda od strane ovlaštene laboratorije i druge obaveze propisane u navedenom rješenju.

Prilikom uviđaja utvrđeno je da u tehničko-tehnološkom smislu, obimu i uslovima snabdijevanja vodom i načinu prikupljanja, tretmana i ispuštanja otpadnih voda sa lokacije predmetnih poslovnih objekata, pravnog lica nije došlo do promjena od izdavanja navedenog Rješenja o vodnoj dozvoli.

Proizvodni asortiman zastupljen u poslovno-proizvodnom objektu za preradu i pakovanje mesa, proizvodnju mesnih prerađevina i sporednih proizvoda čine: bareno fino usitnjeni proizvodi, bareno grubo usitnjeni proizvodi, polutrajni dimljeni proizvodi, svjež/zamrznuto meso, fermentirane kobasice, trajni suhomesnati proizvodi, konfekcija i delikatese od svježeg i zamrznutog mesa, proizvodi od usitnjenog mesa, hrana za kućne ljubimce gotova i polugotova jela.

Na lokaciji poslovno-proizvodnog objekta pripreme i prerade mesa nalaze se cjeline i to: tehnološka komora, prostor za dimljenje, skladištenje repromaterijala, skladište začina i aditiva, prostor u kome se vrši rasijecanje i gruba priprema mesa, punjenje i pakovanje, komora za zamrzavanje i drugi prateći sadržaji. Instalirani kapacitet je 4 t/dan odnosno 1152 t/godinu prerade mesa.

Tehnološka otpadna voda nastaje iz procesa pripreme i prerade mesa, kod pranja podova pogona i opreme koja se koristi kod proizvodnje mesnih prerađevina, pranja dostavnih vozila koja se koriste za potrebe proizvodnje. U pogonima su ugrađene slivne rešetke za prikupljanje krupnog otpada. Ove vode se odvojenom kanalizacijom i odvođe u separator masti (mastolov) sa prelivom. Preliv se direktno ispušta u potok Trnavu.

Oborinske vode sa manipulativnih površina se odvođe na separator naftnih derivata. Prečišćena voda se preko okna za monitoring ispušta u potok Trnava.

Sanitarno-fekalna otpadna voda se odvojenim sistemom kanalizacije prikuplja i odvodi u gradski kanizacioni sistem.

U poslovno-proizvodnom objektu klaonica se vrši klanje krupne i sitne stoke, hlađenje, rasijecanje i pakiranje mesa. Kapacitet klaonice je 15 grla krupne stoke i 25 grla sitne stoke dnevno.

Objekat je koncipiran tako da se sastoji iz proizvodnog dijela, servisnog prostora i štalskog dijela.

Prostorije za prihvrat i privremeni smještaj životinja za klanje (depo) čine: rampa za istovar životinja, prostorije za smještaj životinja, hodnik (koridor) za odvođenje životinja na klanje, prostorija za pripremu životinja za klanje.

Tehnološke otpadne vode poslovno-proizvodnog objekta-klaonice nastaju spiranjem površina unutar objekta i pranjem opreme koja se koristi u postupku klanja. Ove vode se prikupljaju putem rešetki unutar objekta, a potom cijevima odvoditi do tehnološke kanalizacije i separatora/hvatača masti sa prelivom. Prečišćena voda se preko okna za monitoring ispušta u potok Trnavu.

Snabdijevanje vodom za potrebe predmetnih objekata se vrši priključkom na gradski vodovodni sistem kojim upravlja KJKP „Vodovod i kanalizacija“ d.o.o. Sarajevo.

Kože se privremeno skladište na predmetnoj lokaciji u prostoru namijenjenom za skladištenje kože a potom predaju trećim licima.

Kruti otpad iz štale, u kojoj se privremeno drži stoka do postupka klanja, se privremeno odlaže u prostoru namijenjenom za skladištenje unutar štale a potom se odvozi i koristi za podubravanje poljoprivrednih površina. Otpadne vode od pranja štala se zbrinjavaju u vodonepropusnu jamu bez preliva.

Krv koja nastaje u postupku klanja se prikuplja putem linije za iskvavljenje u bazen – posude za krv.

Monitoring otpadnih voda se vrši iza uređaja za tretman otpadnih voda na mjernom mjestu E1 i E3 (iza uređaja za tretman tehnoloških otpadnih voda separator masti (mastolov)) i E2 (oborinske otpadne vode).

Izveštaj rezultata ispitivanja kvaliteta tehnoloških otpadnih voda broj: 2039/24, oktobar 2024 godine, urađen od strane „Inspekt-RGH“ d.o.o. Sarajevo, ukazuje da su granične vrijednosti u prečišćenoj vodi u skladu sa Prilogom 8. Uredbe o uslovima ispuštanja otpadnih voda u okoliš i sisteme javne kanalizacije.

Čišćenje uređaja za tretman tehnoloških otpadnih voda i oborinskih otpadnih voda se vrši od strane ovlaštene firme.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i 15., 19. i 20 Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „MUJANIĆ ADI“ d.o.o. Sarajevo, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

Po ovlaštenju

Rukovodilac sektora za izdavanje vodnih akata



Nihad Rezo, dipl.inž.grad.

Dostaviti:

- "Mujanić Adi" d.o.o. Sarajevo, Vlakovo 346, ilidža (Prilog-tehnička dokumentacija pod tačkom B obrazloženja ovog Rješenja)
- ☉ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo